

錢氏兒科案疏下編目次

案中方鈔

- 一 瀉肺湯 又名瀉白散
- 二 地黃圓 卽六味丸
- 三 瀉青圓
- 四 涼驚圓
- 五 大青膏
- 六 塗顛法
- 七 浴體法
- 八 益黃散 又名補脾散
- 九 阿膠散 又名補肺散

十 導赤散

十一 大黃圓 又名神芎丸

十二 玉露散 又名甘露散

十三 小惺惺圓

十四 牛李膏 又名必勝膏

十五 藺蘼湯

十六 史君子圓

十七 白餅子

十八 消積圓

十九 抱龍圓

二十 百祥圓 一名南陽圓

廿一 宣風散

廿二 漏銀圓

廿三 白虎湯

廿四 白朮散

廿五 生犀散

廿六 胡黃連圓

廿七 蕪荑散

廿八 香瓜圓

廿九 理中湯

三十 烏蝎四君子湯

卅一 參附養榮湯

卅二 集聖丸

卅三 肥兒丸 附加減肥兒丸

卅四 平癰養脾丸

卅五 東垣涼膈散

卅六 升麻葛根湯 又名升麻散

卅七 四物湯

# 錢氏兒科案疏下編

宋錢 乙仲陽著

閻季忠編次

清周學海澄之據仿宋本刊行

嘉定後學張壽頤山雷甫疏

紹縣後學何光華筱廉參校

## 案中方鈔

### 發搐方鈔

瀉肺湯 又名瀉白散 治小兒肺盛氣急喘嗽

桑白皮 地骨皮 各一錢 炙甘草 一錢

生粳米 一撮 水二小盞煎七分食前服

周學海曰聚珍本甘草作半兩

〔疏〕此爲肺火鬱結窒塞不降上氣喘急者之良方桑白地骨清泄鬱熱潤肺

之燥。以復其順降之常。惟內熱上擾。燥渴舌絳者。爲宜。若外感寒邪。抑遏肺氣。鼻塞流涕。喘嗽不爽。法宜疎泄。外風開通。痰氣者。而亦誤用。是方清涼。抑降。則愈增其壅。卽爲酖毒。桑皮宜用根皮之藏於土中者。故曰白皮。涼降肺火。最是良藥。惟欲其潤。必不可炒。炒則燥矣。

地黃圓 治腎怯失音。願開不合。神不足。目中白睛多。面色皛白等方。

熟地黃 八錢

山萸肉

乾山藥 各四錢

澤瀉

牡丹皮 各三錢

白茯苓

三錢 去皮

右爲末。煉蜜圓。如梧子大。空心溫水化下三圓。

〔疏〕此今之所謂六味丸也。方從崔氏腎氣丸來。仲陽意中。謂小兒陽氣甚盛。因去桂附而創設此圓。以爲幼科補腎專藥。自薛立齋濫用成方。而景岳養葵之流。推波助瀾。遂令俗子。競以此爲滋陰補腎必需之品。抑知崔氏八味全爲腎氣不充。不能鼓動真陽。而小水不利者。設法故以桂附溫煦腎陽。地

黃滋養陰液。莢肉收攝。耗散而卽以丹皮泄導。濕熱茯苓澤瀉滲利。膀胱其用。山藥者實脾以堤水也。立方大旨無一味不從利水着想。方名腎氣所重者。在一氣字。故桂附極輕。不過借其和煦。吹噓腎中真陽。使溺道得以暢達。今西醫學說。謂兩腎各有輸尿之管。直通膀胱。其說雖爲古時醫界所未知。而用藥之理。利水必先治腎。實與西人生理之學。暗暗符合。此中古醫學之不可及者。讀仲景腎氣丸主治各條。多有小便不利四字。則崔氏元方豈是填補腎陰。腎陽之用。仲陽減去桂附而欲以治腎虛。則丹澤茯苓滲泄傷津。已大失腎氣丸之本旨。而方下所謂失音。額開。神不足。而晄白云云。又皆陰陽兩憊之大症。溫補滋填。猶恐不濟。豈丹澤茯苓所可妄試。是仲陽立方之初。已不無誤會。宜乎立齋養葵之徒。依樣葫蘆。尤其藥不中病。而今之俗醫。猶有認作滋填補益之良方者。豈徒中薛趙輩之毒。蓋亦未始非仲陽有以誤之。此後人製方。所以不能步趨上古之明證。豈每况愈下。果運會遷流爲。

之。耶。仲陽賢者。尙有此誤。則又何論乎。自檜以下者。哉。

瀉青圓 治肝熱搐搦脈洪實。

當歸 去蘆頭切焙秤 龍腦 秤 川芎 山梔子仁 川大黃

濕紙裹煨 羌活 去蘆頭切焙秤

右件等分爲末。鍊蜜和圓。雞頭大。每服半圓至一圓。煎竹葉湯。同沙糖溫水化下。

周學海曰。聚珍本方後附錄云。王海藏斑疹改誤。云東垣先生治斑後風熱毒。翳膜氣暈遮睛。以此劑瀉之。大效。初覺易治。

〔考異〕此方本是仲陽自製。而諸書引用極多。龍腦皆作龍膽草。惟周刻此本獨作龍腦。按龍腦大寒。唐本草雖曰微寒。潔古且以其辛香。而謂爲性熱。然史稱文信國爲元兵所執。吞腦子不死。說者謂腦子藥名。其性大寒。多食殺人。卽是此物。可知古人皆知龍腦是大寒之藥。清肝之力。勝於龍膽。藥雖異。



而理可通。但此是樹脂熬煉而成。已是精華。氣味皆厚。與其他草本之質不同。故入藥分兩。無不輕用。卽仲陽此書諸方。凡用龍腦。比較他藥。不過十分之一。獨此方則與諸藥等分。似非量藥正軌。但此是丸子。每服僅僅芡實大之半丸至一丸。藥共七物。則龍腦雖與諸藥同一分量。似所服尙不爲太多。若本是龍膽草。則七味俱是草木。止服小小之一丸半丸。似覺病重藥輕。恐不中病。則周澄之此本獨作龍腦。似非誤字。特未見四庫館編輯之聚珍本。未知何如。據周刻此書體例。凡宋本與聚珍本有異者。皆於方後注明。則此方無注。似聚珍本亦是龍腦。坊間別有薛立齋醫案。其中亦載此書。則已爲薛氏重編。未足爲據。又他書引是方。多書作彈子大。每服一丸者。雖同是一丸。而丸之大小。何止倍蓰。則各本固皆用龍膽草者。疑其所服太少。而改用大丸。以求與病情相合。亦非仲陽意矣。

〔疏〕此方專爲肝膽實火而設。方名瀉青。自當以泄熱降火爲主。龍腦。梔子。大。

黃當爲君藥而芎防羌活溫升太過寧非煽其燄而助其威蓋古人誤認內動之肝風作爲外來邪風皆有非散不可之意宗漢唐相承之大誤此必不可隨波逐流沿訛襲謬者而汪詡庵之醫方集解且謂羌活氣雄防風善散川芎上行頭目能搜肝風而散肝火所以從其性而升之於上豈非教猱升木火上添油手段藉寇兵而賁盜糧詡庵何不仁至此

涼驚圓 治驚疳

草龍膽 防風 青黛 各三錢 鈎藤 二錢

黃連 五錢 牛黃 麝香 龍腦 各一字

麵糊圓粟米大每服三五圓金銀花湯下

〔疏〕方名涼驚藥多平肝清熱正以病爲內熱生風惟清降乃能使內風自息則方中防風一味必不可用且此症是氣火升騰宜靜而不宜動腦麝芳香太猛最能耗散正氣亦不可使此理古人未知而在今時則血冲腦經病源

亦既大白。凡屬芳香升散。必須一例避之。古方中每有一字三字之名。未見有人爲之說明者。頤謂古人抄藥。恆用銅錢以代藥匙。有所謂一錢七半錢七者。卽以銅錢抄藥。滿之爲一錢。則半之爲半錢。非近時十分爲一錢五分。爲半錢之權衡也。蓋唐自武德以後。一文大錢。必有四字。其所謂一字三字者。蓋卽以一錢抄藥。用其四分之一。卽爲一字。用其四分之三。卽爲三字。凡醫書中亦有所謂一字七者。其義可知。下一方粉紅圓龍腦用半字。又卽一錢七中八分之一矣。

大青膏 治小兒熱盛生風。欲爲驚搐。血氣未實。不能勝邪。故發搐也。大小便依度。口中氣熱。當發之。

天麻 末一錢 白附子 末生一錢五分 青黛 研一錢

蝎尾 去毒生末 烏蛇梢肉 酒浸焙乾取末各一錢

硃砂研 天竺黃研

右同再研細。生蜜和成膏。每服半皂子大。至一皂子大。月中兒粳米大。同牛黃膏溫薄荷水化一處服之。五歲以上。同甘露散服之。

周學海曰。考聚珍本。蝎尾蛇梢肉各五分。有麝香研同硃砂竺黃各一字。匕方末附錄云。閻氏集保生信效方內小兒諸方。言皆得於汝人錢氏。其間大青膏無天麻。有大青生研一分。其餘藥味分料和製。與此皆同。其方下證治云。治小兒傷風。其候伸欠頓悶。口中氣熱。惡風脈浮。比此爲詳。只用薄荷湯下。

〔疏〕方以天麻青黛平肝熄風。硃砂竺黃鎮墜痰熱。方下所謂治熱盛生風。欲爲驚搐者。本以肝陽內熱化風。揪旋生驚發搐而言。與素問血菀於上則爲薄厥之旨吻合。亦卽西學家之所謂血冲腦經。此小兒之驚風一證。正與大人類中同符合轍。本無外風何所謂邪。是方中用白附子。欲以鎮攝上壅之痰。亦非爲外邪而設。而方下乃有正不勝邪一語。已覺言之不正。且方中并

無發散風邪一味。而方下乃謂當發。更是名不副實。然第一卷中且每指太  
青膏爲發散主藥。豈非藥性不符。恐仲陽不致若是之謬。蓋書成於閻氏之  
手。幾經傳抄。已失廬山真面矣。又按方名大青。而方無是藥。據聚珍本引  
閻氏所集之保生信效方。則是方本有大青生研一分。始恍然於方名之有  
自。初不以方中之青黛得名。則所以清內熱而非散外風。更覺顯然。可據。然  
彼之方下證治。亦稱治小兒傷風。惡風脈浮。又似發表之主劑。亦與此本發  
字同弊。此皆非製方者之本旨。蓋古醫書之爲淺人妄改者最多。而世人且  
不知其誤。此醫書之所以最不易讀歟。又按白附子雖可鎮墜痰涎。然辛  
燥剛烈。可以治寒痰之上涌。而因熱生風。發爲驚搐。則是肝膽陽升太過。此  
物剛燥劫津。必不可用。天麻定風。最佳。蝎尾達痰。頗捷。烏蛇梢肉。據近世醫  
書。似當作烏梢蛇肉。然開寶本草止稱烏蛇。寇宗奭謂烏蛇梢尾細長。能穿  
小銅錢一百文者佳。似此物功用。以梢尾爲上。故用梢肉。聚珍本亦作蛇梢。

肉似非謬誤。卽其他古書亦皆作烏蛇。至李氏綱目始有烏梢蛇之名。而後人因之。恐是瀕湖之誤。此蛇雖曰無毒。然蛇性善動。其能治風者。是指癰風。癰風之濕熱蘊毒在血分而言。蛇本濕熱毒氣之所鍾。而節節靈通。故善入經絡。借同氣以驅除惡毒。非類中風驚風等之內熱動風者可比。古人用此藥於此病方中。得無誤會。古用青黛是藍澱之精華。清解熱毒。最是良品。今則純爲石灰渣滓。必不可用。

塗額法

麝香 一字 薄荷葉 半字 蝎尾 去毒爲末半錢一作半字  
蜈蚣末 半黃末 青黛末 各一字

右同研用熟棗肉劑爲膏。新綿上塗勻貼額上。四方可出一指許。火上炙手頻熨。百日內外小兒可用此。

浴體法 治胎肥胎熱胎怯

天麻末 二錢 全蝎 去毒爲末 硃砂 各五錢 烏蛇肉  
酒浸焙乾 白礬 各二錢 麝香 一錢 青黛 三錢  
右同研勻每用三錢水三盞桃枝一握葉五七枚同煎至十沸溫熱浴之勿  
浴背

益黃散 又名補脾散 治脾胃虛弱及治脾疳腹大身瘦

陳皮 去白一兩 丁香 二錢 一方用木香 訶子 炮去核

青皮 去白五錢 甘草 炙五錢

右爲末三歲兒一錢半水半盞煎三分食前服

〔疏〕方是溫中行氣脾土虛寒而大便秘澀泄者宜之雖名益黃實非益脾胃之  
專藥

阿膠散 又名補肺散 治小兒肺虛氣粗喘促

阿膠 一兩五錢 麝炒 鼠粘子 炒香 甘草 炙各二錢半

馬兜鈴 五錢焙 杏仁 七箇去皮尖炒 糯米 一兩炒

右爲末每服一二錢水一盞煎至六分食後溫服

〔疏〕方以補肺爲主。所謂氣粗喘促者是燥熱窒塞肅降不行。故以甘米阿膠滋潤清燥爲君。而微用杏仁兜鈴泄壅降氣。鼠粘子本能泄風開肺而沉重下降。又以導熱下行皆爲痰熱壅遏氣不下降而設。雖曰肺虛而氣粗喘促虛中有實。故用藥如此。而分兩自有斟酌。乃淺者不察。或曰既欲其補則杏仁非宜。或則止知方名之補而隨手寫來牛夢杏鈴漫無法度。則仲陽之罪人也。諸書引用是方。各藥輕重多無軌範。甚至改作湯飲。而阿膠只用數分杏仁仍是七粒。更有加入黃耆者。則補氣升舉正與立方之意相反。導赤散治小兒心熱。視其睡口中氣溫。或合面睡。及上竄咬牙。皆心熱也。心氣熱則心胸亦熱。欲言不能。而有就冷之意。故合面睡。

生地黃 甘草生 木通 各等分



右同爲末每服三錢水一盞入竹葉同煎至五分食後溫服一本不用甘草用黃芩

〔疏〕方以泄導小水爲主。雖曰清心必小洩黃赤短澇者可用一本有黃芩則清水道之上源也。

### 急驚方鈔

大黃圓 治風熱裏實。口中氣熱。大小便閉赤。飲水不止。有下證者宜服之。

大黃 一兩酒洗過米下蒸熟切片曝乾 川芎 一兩剉

甘草 一分剉炙 黑牽牛 半兩半生熟炒

右爲細末稀糊和丸如麻子大二歲每服十丸溫蜜水下乳後服以澹利爲度未利加丸數再服量大小虛實用之

〔疏〕是方大黃黑丑攻滌極峻而以川芎之升甘草之緩相輔而行是亦調濟